

Sarajevo, 16.06.2025.godine

Klub SDP-a u Skupštini Kantona Sarajevo

ZA:

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlada Federacije BiH**

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Prema **Vladi Federacije BiH**

Za izmjenu i dopunu krivičnog zakona FBiH kako bi se napad na prosvjetnog radnika u krivičnom zakonu kazneno strožije tretirao.

OBRAZLOŽENJE

Svjedoci smo sve češćih verbalnih i fizičkih napada na prosvjetne radnike vrlo često uz prijetnju vatrenim i hladnim oružijem.

U posljednjih godinu dana u Federaciji BiH registrovano je preko 15 slučajeva prijavljenog nasilja nad prosvjetnim radnicima u vršenju njihovog izuzetno odgovornog posla odgoja i obrazovanja djece i adolescenata.

Molim da se usvoje izmjene Krivičnog zakona Federacije Bosne i Hercegovine kako bismo pridonijeli aspektu povećane sigurnosti u oblasti odgoja i obrazovanja.

Prijedlog izmjene zakona:

Z A K O N

O DOPUNI KRIVIČNOG ZAKONA FEDERACIJE BOSNE I HERCEGOVINE

Član 1.

U Krivičnom zakonu Federacije Bosne i Hercegovine ("Službene novine Federacije BiH", br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17) iza člana 359 a. dodaje se novi član 359 b. koji glasi:

“Član 359b.

Napad na prosvjetnog radnika

- (1) Ko napadne ili ozbiljno prijeti da će napasti prosvjetnog radnika u vršenju poslova odgoja i obrazovanja kaznit će se kaznom zatvora od tri mjeseca do tri godine.
- (2) Ako je krivičnim djelom iz stava 1. ovog člana prosvjetni radnik lakše tjelesno ozlijeđen ili je krivično djelo iz stava 1. ovog člana učinjeno uz prijetnju upotrebom oružja, učinitelj će se kazniti kaznom zatvora od šest mjeseci do pet godina.
- (3) Ako je krivičnim djelom iz stava 1. ovog člana prosvjetni radnik teško tjelesno ozlijeđen, počinitelj će se kazniti kaznom zatvora od jedne do deset godina.“

Za provedbu ovog zakona nije potrebno osigurati dodatna finansijska sredstva u Budžetu Federacije BiH.

S poštovanjem,

Davor Čičić
Predsjednik kluba zastupnika SDP BiH
u Skupštini Kantona Sarajevo